

Te hasta chofer masculino a core limpi bay:

Sexual harasssment na Arubahuis

ORANJESTAD (AAN): -- Awor si awa a pasa hariña cu Orden y Prosperidad di e gobernacion di MEP cu a yega su punto culminante pasobra te hasta sexual harasssment a tuma lugar recientemente na Arubahuis na Hulanda.

Ayera pueblo a wordo poni na altura encunto bagamunderianan cu ta tuma lugar na Arubahuis unda cu funcionarionan ta sinta bebe na grandi y ta haci y deshaci cu normanan di etica y di respet.

Bebemento formal no lo ta nada particular mas na Arubahuis y fiestamento cu placa di pueblo den forma di salarionan barbaro pa rumannan y familiarnan di ministronan tampoco no ta nada nobo mas, pero loke si ta algo inaceptable ta cu recientemente te hasta sexual harasssment a tuma lugar na Arubahuis of cu personal di Arubahuis den linea di trabao.

Ayera fuse di esnan cu ta haci y deshaci den Arubahuis na Hulanda a bula ora cu a sali publica e escandalo di bebemento di alcohol na Arubahuis y pa diabierna awor tur hende lo wordo yama pa un reunion di urgencia, unda todo por todo lo bay wordo haci pa contradeci e informacionnan cu cada biaha ta leak di Arubahuis y tambe pa trata na saca afor ta di unda e leak di informacion pa Aruba ta

sali.

Ultimo desaroyonan na Arubahuis, unda cu pa diabierna awor un reunion di bula cabes lo bay wordo teni, a pone cu algun hende a dicidi cu awor ta basta y cu mas berdad encunto escandalonan di Arubahuis mester wordo saca den publicidad na Aruba pa tur hende haya sa kico ta pasando na Arubahuis na Hulanda.

Informacionnan haya for di Hulanda ta indica cu dos pa tres siman pasa tabata tin un caso di sexual harasssment na Arubahuis unda familiar di un ministro lo a agredi sexualmente un trahador femenino di Arubahuis.

E caso ey no tabata e prome caso di sexual harasssment pasobra e mesun persona cu awor a wordo manda cas pa algun siman pa e 'Koel Af', a haci prome cu esey caba un otro intento pa agredi

sexualmente e trahador femenino kende na prome instancia a entrega keho cerca e hefe di Arubahuis, pero esaki no lo a haci mucho cos cu e keho.

E di dos biaha cu e familiar di e ministro a bolbe trata na agredi sexualmente e trahado femenino, e ora ey un otro colega femenino a dicidi cu ta basta y e dos damanan a bay cerca e hefe grandi pa entrega keho y e ora ey e familiar di ministro a wordo manda cas pa e 'Koel Af'.

Aparentemente e mesun familiar di ministro aki a yega di haci mesun tipo di actonan asina na Aruba tambe cu yiu di un familiar di dje mes.

Mas aleu ta bin informacion tambe for di Hulanda cu no ta e caso di sexual harasssment di familiar di e ministro so tin pasobra e chofer di Arubahuis, esta un persona masculino, tambe a core limpi bay di Arubahuis

pasobra na varios ocasion el a wordo agredi sexualmente door di un of mas dama cu ta traha na Arubahuis y e compay ey na un dado momento no tabata por cu tanto atencion drastico asina di dos persona femenino cu aparentemente ta di remate y specialmente ora nan dal algun drinks.

E informacion encunto sexual harasssment riba e chofer di Arubahuis a wordo divulga durante di un di e tantismo tripnan di

bebemento cu personal di Arubahuis tabata tin y ora hendenan ta bao di influencia di alcohol lenga ta los y asina e informacion ey a sali na claridad di dia.

E chofer kende mester a core duro pa e dos personanan femenino cu tabata comete sexual harasssment lo a haya su mes na un dado momento den un preta asina grandi cu el a pensa; 'Matame pero dejame vivir'... 'y pia pakico mi tin bo'.


E siman aki lo no tin anochi di Alabanza na Misa di Paradera

ORANJESTAD (AAN):-- Grupo di Oracion Carismatico Uni di Paradera ta participa na tur rumannan cu e costumbrado oracion, canto y alabanza di tur diabierna lo NO tuma lugar e diabierna aki, esta 27 di Mei.

E motibo di esaki ta pa duna

oportunidad na tur rumannan cu ta desea di asisti na e encuentro e week-end aki na EPB-HATO, caminda lo bay tin un enseñanza Eucharistico. Nos lo anuncia via prensa ki dia lo bay tin e siguiente oracion, canto y alabanza.

MAMA SI TA DIPLOMATICO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Set di Comedor
4 pers.
Afl. 199,=